



14. september 2015

Inatsisartut Suleriaasianni § 37 naapertorlugu Naalakkersuisunut apeqqutit imaattut matumuuna saqqummiuppakka:

Naalakkersuisunut apeqqutit naartuersittarneq pillugu:

- 1. Naalakkersuisut suliniutit suut aallartippaat naartuersittartut ikilisinniarlugit?**
- 2. Nunap immikkoortuisa ilaanni Naalakkersuisut isumaat naapertorlugu suliniutinik aallartitsisoqarnissaa immikkut pisariaqartinneqarnerluni, naartuersittarnernik ikilisaaqataasinnaasunik?**
- 3. Peqqinnissaqarfiup ukiumut aningaasat qassit naartuersittarnernut atortarpaat? Ilanngullugu Naalakkersuisunut oqaatigeqquneqarpoq passunneqartarneq ataaseq aggu-aqatigiisillugu qanoq akeqartarnersoq, passussinermut aningaasartuutit tamaasa aallaavigalugit.**

(Inatsisartunut ilaasortaq Randi Vestergaard Evaldsen, Demokraatit)

Tungavilersuut

Arnap kialluunniit timini oqartussaaffigaa aamma pissutissaqarluarsinnaavoq naartuersikkunneq. Kisianni aamma qularutissaanngilaq kissaatiginagu naartulersarneq pinaveersaartinneqarsinnaagaluarat naartunaveersaarutit atorneqartartuuppata.

2012-mi nunami maani akuerisaasumik naartuersinnerit 868-t pipput. Naliginnaasumik oqaatigineqarsinnaavoq naartuersittarnerit amerlalluinnarnerat ukiuni kingullerni aalaakkaasimammat. 2000-mili naartuersittarnerit ikinnerpaammata 2011-mi naartuersinnerit 785-t pipput. Naartuersinnerit amerlanerpaat pipput 2000-mi ukioq taanna naartuersinnerit 944-t pimmata.

Allaat ukiut ilaanni ima pisoqartarpoq naartuersinnerit erninernut naleqqiullugu amerlanerusarlu-tik.

Isumaga naapertorlugu taamattumik qularutissaanngilaq, naartuersittartut amerlavallaarujus-suartut imali ajortigaaq allaat naartuersittartut amerlassusaat aalaakkaalluni, tassa allatut oqaatigalugu pinaveersaartitsiniutaasimajunnartut iluaqutaasimanngillat.

Uanga nammineq isumaqarpunga tulluassasoq pinaveersaartitsinerit aallartinneqarsinnaasuuppata, naartuersittarnernik ikilisaasussat. Tamatumunnga pissutigaaara naartuersittarnerup eqqarsartaatsimut inunnullu ataasiakkaanut taakkulu ilaqutaannut annertuumik kinguneqarner-



lussinnaanera aamma pissutigaaara naartuersittarnernut inuiaqatigiit aningaasarpassuit atuisarnerat, pinaveersaartinneqarsinnaagaluartoq naartunaveersaatinik atuinikkut.

Piumasarissavara apeqqtikka akineqassasut piffissarititaasut ullut sulliviit qulit iluanni.